



ESPOO-mut nalunaarusiamut missingiummut Killiffik 2-mut Siunnersuummut
– Suliniut Mary River - tunngatillugu Iisimatusarnermut Avatangiisinullu
Naalakkersuisoqarfiup oqaaseqaatai

Killiffik 2-mut siunnersuummut suliniummut Mary River-imut tunngatillugu
ESPOO-mut nalunaarusiamut missingiummi siullermi paasissutissat
amigaatigineqartut pillugit Baffinlandip oqaaseqaatai Iisimatusarnermut
Avatangiisinullu Naalakkersuisoqarfiup nalilersorpai.

ESPOO pillugu isumaqatigiisummut naapertuuttumik suliniut Mary River
pillugu Kalaallit Nunaanni pitsaasumik tamanut tusarniaasoqassappat, ESPOO-
mut nalunaarusiami suliniutip naalagaaffiit killeqarfii akornutigiginagit
sunniutissai peqqissaartumik nassuiarneqartariaqartut Naalakkersuisoqarfimmit
erseqqissarneqarpoq.

Taamaattumik ESPOO-mut nalunaarusiaq suliniutip kingunerisaanik Canadap
imartaani (RSA-p iluani avataanilu) taakkualu saniatigut Kalaallit Nunaata
imartaani umiartornerup kingunerisaanik uumasunut uumassuseqarnerullu
ataqatigiiffiinit nunanit marlunnit aqunneqartunut sunniutissaanik
imaqartariaqarpoq.

Suliniutip kingunerisaanik arlaatigut naalagaaffiit killeqarfii akornutigiginagit
sunniutaasinnaasut tamarmik ESPOO-mut nalunaarusiami ilaatinneqassapput.
Tassani ilaassapput sumiiffinni ukiullu qanoq ilinerani annikitsumik
umiartortoqarnerani imaluunniit umiartortoqannginnerani uumasut miluumasut
imarmiut akornuserneqartarnerannik nalilersuineq.

Naalakkersuisoqarfimmit erseqqissarneqassaaq Baffinip Kangerliumarngatigut
aamma Kalaallit Nunaata imartaatigut umiarsuit aqutissaat nalunaarusiami
assiliartalerneqarlunilu nassuiarneqartariaqartoq. Aalajangersimasumik umiarsuit
aqutissaqassanngippata, taava ESPOO-mut nalunaarusiami imartani pineqartuni
uumasut najugaat mianersuussassat, uumasut ingerlaarfiisa aqquaat,
miluumasullu imarmiut ukiup qanoq ilinerani ingerlaartarnerusut
nalilersorneqartariaqarput. Naliliilluni nalunaarusiami uumasut
aqqutigisartagaasa, ukiup qanoq ilinerani ingerlaartarneri umiarsuillu aqquataasa
ukiullu qanoq ilinerani umiartortoqarniarneri sanillersuunneqartariaqarput.
Sumiiffinni mianerisarialinni kingunerluutaasinnaasut pinngitsoortinniarlugit
millisarniarlugilluunniit qanoq iliuseqartoqarniarnersoq nalunaarusiami
nalilersorneqartariaqarpoq.

Naalakkersuisoqarfimmit Attup Uummannaata Avataanut tunngasumik
ilanngussamut qujavugut. Naalakkersuisoqarfimmit maluginiarparput Attup
Uummannaata Avataani kisarsimasarnissap avatangiisinut
sunniutigisinnaasaanik ilanngussami allassimasoqannginnera taamaattumillu
taakku nassuiarneqartariaqarput. Naalakkersuisoqarfimmit maluginiarparput,
Kalaallit Nunaata imartaani annertuumik ajutoortoqartillugu avatangiisit
ajouserneqarnissaat pinngitsoortinniarlugi iliuusissat aamma
upalungaarsimanermit pilersaarutit pillugit paasisaqarniaraanni Baffinlandip
ESPOO-mut nalunaarusiamut missingiummi immikkoortoq 6 innersuussutigigaa.
Naalakkersuisoqarfimmit inussiarnersumik Baffinland qinnuigaarput ESPOO-
mut nalunaarusiami immikkoortoq 6 misissorluaqqeqqullugu aqqissorlugulu,

Date: 22-03-2021
Journal No.
Act-id: 16384928
P. O. Box 1614
3900 Nuuk
Tel. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Naalackersuisoqarfimmit takujuminaatsikkatsigu nalunaarusiaq maanna atuuttoq RSA-mit imaqarnerunersoq.

Immikkoortoq 6-imi allassimavoq ajutoornerit ajoqutillu ukuusinnaasut:

- Uumasunik miluumasunik imarmiunik apuineq uumasunut miluumasunut imarmiunut ajoqusiisoq
- Umiarsuaq ikkarluttoq umiarsuarmut imaluunniit imaani uumassusilinnut ajoqutaasinnaasoq
- Umiarsuup sikumik akornuteqarneratigut kinguaattoorneq imaluunniit umiarsuarmut ajoqusiisoq
- Umiarsuarnik allanik aporneq umiarsuarmut ajoqusiisoq, imaanilu uumassusilinnut ajoqutaasinnaasoq
- Umiarsuit aqquaatigut solarimik annertuumik uuliakoorneq, umiarsuit aqquataata nalaani immami sinerissanilu avatangiisinik mingutsitsinermik kinguneqartumik.

Taamaakkaluortoq ESPOO-mut nalunaarusiami Kalaallit Nunaata imartaani umiartornermi aarlerinarsinnaasut qulaani eqqaaneqartut arlaannaalluunniit nalilersorneqanngillat. Taamatuttaaq ESPOO-mut nalunaarusiami Kalaallit Nunaata imartaani umiartornerup kingunipilorisinnaasaanik avatangiisit ajoquserneqarnissaat pinngitsoortinniarlugu iliuusissanik allaqqasoqanngilaq. Nalunaarusiami aamma ilaasariaqaraluarput uuliamik kinertumik (HFO), uuliamik svovlikitsumik (LSFO) aamma marin gasolie-mik (MGO) uuliakoortoqassagaluarpat aarlerinaataanik nalilersuinerit, umiarsuarnimmi saffiugassamik assartuisunit taakku killiffik 2-mut siunnersuummi piffissami tamarmi atorneqartussaapput.

Naalackersuisoqarfimmit paasisinnaavarput Hudson-ip Kangerliumarngatigut umiartornissamut pilersaarutit maanna ASN-imik suliaqarnermi ilaasussaannngitsut. Taamaakkaluartorli Hudson-ip Kangerliumarngatigut umiartornissamut pilersaarutit uumasunut miluumasunut imarmiunut nunanit marlunnit aqutsivigineqartunut naalagaaffiit killeqarfii akornutigiginagit sunniuteqarsinnaammat, ESPOO-mut nalunaarusiami naalagaaffiit killeqarfii akornutigiginagit sunniutaasussat ilanngunneqarnissaat Naalackersuisoqarfimmit piumasaraarput.

Naalackersuisoqarfimmit qujavugut ilanngussamut 2-mut taassuma imarai Residual Effect Ratings (sunniutaasinnaasut allat nalilersorneqarnerat) aamma Significance Determinations for Marine Mammal VECs (uumasunut miluumasunut imarmiunut VEC-t qanoq kinguneqartiginissaanut aalajangersaanerit) – killiffik 2-mut. Naalackersuisoqarfiup maluginiarppaa qanoq qanorlu annertutigisumik sunniutaasinnaasut allat nalilersorneqarsimanersut. Assersuutigalugu arfiviit umiarsuarnit aporneqarsinnaanerannut aarlerinassusia qaffasissuseq 1-itut nalilerneqarsimavoq, angissutsimigut siammarsimassutsimigullu, tassa ima isumaqarpoq sumiiffimmi misissuiffigineqartumi taamaallaat umiarsuit arfivinnik aporseriataarsinnaasut pinngortitamilu pisartunut allannguisuunngitsumik annertussuseqassasoq. Naalackersuisoqarfimmit

isumaqarpugut arfiivit umiarsuarnit aporterqqajaasarnerannik ilisimasaqarnermut tamanna naapertuutinngitsoq, umiarsuillu aqutissaanniillutik, sumiiffimmi misissuiffimmi avataanilu, arfiivit ingerlaarfigisartagaat najugarisartagaallu pingaarutillit. Taamatutaaq qilalukkanut qernertanut sunniutaasinnaasut allat nalilersorneqarneranni uumasut taakku malussarissuunerat ilanngunneqarsimanngilaq, taamaattumillu Naalackersuisoqarfimmit piumasaraarput ilanngussaq misissoqqinneqassasoq VEC-nillu assigiinngitsunik nalilersuineramik periutsit ersarinnerusariaqartut.

Naalackersuisoqarfimmit maluginiarparput ESPOO-mut nalunaarusiaq suli ilisimasaniq pigineqanngitsunik nassuiaatitaqanngitsoq sunniutaasussanullu nalilersuinermut tamanna sunniuteqarpoq. Naalackersuisoqarfimmit piumasaraarput taakku nassuiarneqassasut sunniutaasussat annertunersut annikinersulluunniit apeqqaatinnagu.

Naggataatigullu, avatangiisit ajoquserneqarnissaat pinngitsoortinniarlugu iliuusissat pillugit paasissutissanik pissarsiniaraanni ESPOO-mut nalunaarusiami Immikkoortoq 5.4.2. Baffinlandip innersuussutigaa. Naalackersuisoqarfimmit erseqqissassavarput Kalaallit Nunaata imartaani umiartornerup kisarsimanagerullu kinguneraniq avatangiisinut annertuumik ajoqusiisinnaasunik annikillisaaniarnernut avatangiisit ajoquserneqarnissaat pinngitsoortinniarlugu iliuusissat pillugit paasissutissanik ESPOO-mut nalunaarusiami Immikkoortoq 5.4.2.-mi allassimasoqanngimmat.

Inussiarnersumik inuulluaqqusillunga

Martin Schiøtz (Departementet for Forskning og Miljø)
Toqq/direkte 34
MASC@nanoq.gl